

ХАН МЕН ҰЛЫ

...Қырымда Мұсәлайма Асбап деген хан болған. Ол ханның Толайық Әлхалла деген ұлы болған...

Әр-бутыс ағашының қызыл күрең бойына арқасын сүйеп отырып соқыр татар тіленшісі мынау сөздермен ескі әңгімелері көп жарты аралдың өртегілерінің біреуін бастады. Оның айналасында заман қиратқан хан сарайының сынық тастары үстінде қызыл ала шапан, алтынмен кестеленген төбетей киген бірталай татар отырды. Кеш мезгілі еді. Күн ақырын ғана теңізге құлап бара жатты. Оның қызыл сәулелері қираған сарайдың маңайындағы жасыл шөптердің қара қабаттарынан өтіп, мұк жамылған жабысқақ жасыл пүліске оралған тастардың үстіне алтын тап болып тұнып тұрды. Әу, кәрі шынар ағаштарының көлтығында жел зуылдап, шынардың жапырақтары сыйбырып тұрды. Әуелде көзге көрінбей сылдырап бұлақ ағып жатқан сықылды еді.

Соқыр тіленшінің даусы әлсіз еді. Дірілдеп тұрды. Оның тас сықылды бетінің әжімдерінде тыныштықтан басқа нәрсе білінбеді. Жатталып қалған сөздер оның аузынан бірінің артынан бірі құйылып тұрды һәм тыңдаушылардың көз алдында өткен күндердің күшті сезімге бай картиналары теріле берді.

Соқыр айтты:

— Хан қарт еді, бірақ оның һарамында әйел көп еді. Ол әйелдердің бәрі де қартты сүйетін еді. Себебі, оның әлі күші қайткан жоқ еді, оты сөнген жоқ еді. Оның құшағы әлі әйелді қүйдіруші еді. Әйелге ердің шашы ағарғаны, бетінің әжімденгені есеп емес, тек ер құшағында әйелді өртей білсе?! Кімнің құшағы отты болса, әйел соны сүймек. Сұлулық – терінің майдалылығында, беттің қызылдығында емес, сұлулық күште. Ханды бәрі сүюші еді. Бірақ хан Днепр даласында қолға түсken бір казак-орыс қызын ғана

суюші еді. Өзінің зор һарамындағы барлық әйелдің ішінен сол казак-орыс қызын артық еркелетуші еді. Һарам ішінде әйел көп еді. Онда түрлі жерден жиналған ханның үш жұз қатыны бар еді. Олардың бәрі де жазғытұргы гүлдей сұлу еді. Бәрі ерке тұрмыс ішінде еді. Хан оларға ылғи тәтті тамақ пісіруші еді һәм оларға тілеген уақытта ойнауга, билеуге рұқсат беріп қойып еді...

Хан өзі казак-орыс қызын өзінің жаңына – биік мұнараға шақырып алушы еді. Бұл мұнарадан теңіз көрінуші еді һәм онда казак-орыс қызы үшін әйелді еліктіретін нәрсенің бәрі бар еді: тәтті тамақ, үлде мен бүлде, алтын, түрлі түсті тамдар, музыка, алыс жерлердің қолға түспейтін құстары һәм ғашық ханның жалынды құшағы. Осы мұнарадан хан казак-орыс қызымен алданып, ауыр тұрмысынан тынығуши еді. Және ұлы Әлхалланың орыс даласында қасқырдай жортып, орыс елінің зәресін алышп, ол елді өлімге, қанға, түтінге көміп тастап, ылғи көп ойынмен, жаңа атақпен қайтатынын біліп, өзінің мемлекеті, хандығы үшін уайымы жок еді.

Құндерде бір күн Әлхалла орыс елін шауып қайтып, оның құрметіне үлкен той жасалды. Бұл тойға Қырымның бектерінің бәрі жиналыш, ойын-сауықтың егі-шегі болмады. Мырзалар қолдың күшін сынау үшін, тұтқындардың көздерін көздел, жақ-мылтықтан атысты. Арак-шарап ішіп, хандықтың діңгегі, жаудың албастысы Әлхалланың ерлігін мақтасты. Ұлының атағына қарт хан да қуанышты еді. Қарт хан ұлының мынадай ер болғанын көріп һәм өзі үлкен сол хандықтың мынадай күшті қолға көшетінін ойлап, қуанышты еді. Қуанышы тасып, ұлына өзінің қанша жақын көргендігін көрсету үшін, сол тойда бектер, мырзалар алдында шарап құйылған кесе ұстап отырып, хан ұлына айтты:

— Менің мейірімді ұлым Әлхалла! Бар мақтау Тәнірге болсын һәм оның пайғамбарының аты ауыздан түспегей еді!

Отырған адамдардың бәрі күшті дауыспен күнірентіп пайғамбарға салауат айтты. Сонан соң хан айтты:

— Тәнірі қадір ғой... Тірі күнімде менің жастығымды, ер ұлымды тірілтті. Мен нұры кеткен көзіммен көріп отырмын. Күндерде бір күн менің көзімнен күн жасырынар. Жүрегімді құрт жайлар. Бірақ мен мынау ер ұлымдай тірі болармын. Тәнірі зор, Мұхаммед – оның шын пайғамбary! Менің жақсы ұлым бар, оның күшті қолы, батыр жүрегі, ашық ақылы бар. Атаның қолынан не алғың келеді, Әлхалла? Айт, не тілесен, соны беремін...

Қарт ханның сөзі бітер-бітпесте-ақ, қараңғы түнгі теніздей қара көздері жарқ етіп, тау бүркітінің көзіндей көздері от болып жанып Толайық Әлхалла түрегелді:

— Маған орыстың тұтқын қызын бер, алдияр ата!

Хан бірталай ұн демей қалды. Жүрегінің ойнағаны, тулағаны басылғанша ұн демей отырды да, берік күшті дауыспен:

— Ал! Мынау той өтсін. Сонан соң аласың,— деді.

Ер Әлхалла қып-қызыл болып кетті. Оның бүркіт көздері мынау зор қуаныштан жанып кетті. Тік тұра келіп, атасы ханға айтты:

— Берегінінді білем, алдияр атам! Білем мұны... Мен сенің ұлыңмын. Мен сенің құлыңмын. Менің қанымды сағат сайын бір тамшыдан алып тұр. Мен сен үшін жиырма өліммен өлемін.

— Маған еш нәрсе керек емес!— деді хан һәм оның жауды көп шапқан, атақпен тажданған, бұл күнде ақ шаш жапқан басы қеудесіне илді.

Тойды тез тарқатып, хан мен ұлы екеуі біріне-бірі сөз қатпай сарайдан шығып, һарамға кетісті. Тұн қараңғы

еді. Көкті жапқан құрсау кілемдей бұлттар айды да, жүлдиздарды да көрсетпей тұрды.

Қаранғыда ата мен ұл ұзак жүрді. Бір мезгілде хан асығып сөйлей:

— Менің өмірім күн сайын сөніп барады. Кәрі жүргімнің соғуы баяулап келеді. Кеудемде от азайып келеді. Өмірімді жылзытып, оған жарық-сәуле беріп тұрған казак-орыс қызының ыстық құшағы еді... айтшы маған, Толайық, айтшы, ол саған сонша керек пе? Оның орнына жүз қатынымды ал. Жоқ, барлық қатынымды ал!..

Толайық Әлхалла үндемей, үйіледі.

— Менің қанша өмірім қалды? Менің енді өмірім аз қалды ғой... Сол орыстың қызы – менің өмірімнің ең сонғы қуанышы. Ол мені біледі. Ол мені сүйеді. Енді ол кеткен сон, мен шалды кім сүйеді? Кім? Ешкім де сүймейді, Әлхалла, ешкім де...

Әлхалла үндемеді...

— Сенің оны құшактағаныңды, оның сені сүйгенін көріп отырып, мен дүниеде қалай тұрмақпын? Әйел алдында ата да жоқ, ұл да жоқ, Толайық ұлым-ау. Әйел бәрімізге де ереккек деп қана карайды ғой. Азгана қалған өмірім азап ішінде өтеді ғой... Денемдегі ескі жараларымның бәрінің аузы ашылып, қансырасамшы, мынау тұнді көрмесемші, ұлым!

Ұлы үндемеді... Екеуі һарамның есігінің алдына тоқтап, үндеспей ұзак тұрысты. Айнала қап-қаранғы еди. Көкте бұлттар жарысып, жел ағаштарды шайқап, жырлап, зуылдан тұрды.

— Ата, мен оны көптен сүйем... – деді ақырын ғана Әлхалла.

— Білем, оның сені сүймейтінін де білем... – деді хан.

— Мен оны ойласам, жүргім ойнап кетеді...

— Енді менің солған жүргімде не қалады?

Екеуі тағы сөзді қойысты. Әлхалла үйіледі.

– Иә, данышпан молла маған дұрысын айтқан екен.
«Әйел ерге ылғи зиян келтіреді. Әйел сұлу болса, басқа
ерлерді ғашық қылып, ерін күншілдік азабына салады.
Көріксіз болса, оның ері басқа әйелдерге қызығып, азап
шегеді. Ал енді әйел көрікті де, көріксіз де болмаса, ер оны
түзей алады. Бірақ үйленгенде өзінің қателескенін біліп, ер
тағы азап шегеді»... – деп еді данышпан молла.

– Жүрек ауруына данышпандық дауа емес, – деді хан.

– Бір-бірімізді аялыш, ата...

Хан басын көтеріп, ұлана қайғымен қарады.

– Өлтірелік оны... – деді Толайық.

Хан біраз ойлап, болар-болмас күбірлеп:

– Сен менен де, онан да өзінді артық сүйесін, – деді.

– Сен де солайсың...

Екеуі тағы тоқасты.

– Иә, мен де солаймын! – деді хан қасіретпен.

Хан қайғыдан бала болды.

– Қайтеміз? Өлтіреміз бе?

– Оны саған бере алмаймын, бере алмаймын! – деді хан.

– Менің де енді сәл шыдарлық шыдамым қалды. Не жүргімді суырып ал, болмаса, оны бер маған...

Хан үндемеді.

– Болмаса, оны таудан теңізге тастайық.

– Таудан теңізге тастайық! – деп ұлның дауысының жаңғырығындағы ұлның сөзін айтты да қойды хан.

Осы сөздерден соң екеуі һарамға кірді. Онда еденде құлпырған кілем үстінде казак-орыс қызы ұйықтап жатыр еді. Қарт ханның көзінен жас сорғалап, күміс сақалында меруерттей ойнап тұрды. Әлхалла көзі жайнап, тістеніп, нәпсісін зорға тыйып, казак-орыс қызын оятты. Қыз оянып, көзін ашты. Сол уақытта оның үлбіреген беті алқызыл таңдай еді. Ашылған көзі шешек жарған гүлдей еді. Қыз Әлхалланы байқамай, қызыл ернін ханға тосты.

– Сүй мені, қарт қыран!

– Киін... бізбен бірге жүресің, – деді хан күбірлеп. Сол арада қызы Әлхалланы көрді. Және қыранның көзіндегі жасты да көрді. Есті еді ол: бәрін білді.

– Барайын. Барайын, – деді ол. – Анаған да жоқ, мынаған да жоқ, солай бекіттіндер ғой? Ер жүректі адамдар осылай бекітуге тиісті, барайын.

Үшеуі біріне-бірі сөз қатпай, теңізге жөнеді. Жолдары тар соқпақ еді. Жел зуылдаپ, гүілдеп есіп тұрды... Қызы тым нәзік еді, тез шаршады. Бірақ қайса еді. Шаршағанын аналарға айтқысы келмеді. Бір мезгілде Әлхалла қыздың кейін қалғанын көріп, оған:

– Қорқып келесің бе? – деді.

Қызы оған отты көзбен бір қарап, қанға боялған аяғын көрсетті. Әлхалла қолын созып:

– Кел, мен сені көтеріп алып барайын! – деді. Қызы бірақ өзінің қарт қыранының мойнынан құшақтады. Хан құстың қауырсының көтергендей көтеріп алып жүрді. Қолында бара жатқан қызы ханның көзіне тимесін деп, ағаштың бұтақтарын қолымен қағып отырды. Ұзак жүрді олар. Бір мезгілде теңіздің күрілі естілді. Соқпақпен мыналардың артынан келе жатқан Толайық сонда атасына айтты:

– Мені ілгері жібер, болмаса, сенің желкеңе қанжар қадағым келіп келе жатыр!

– Ілгері оз, Алла мынау ойың үшін саған не жаза қылар, не кешер – өз еркінде. Сенің атаңмын, мен сені кешейін. Сую дегеннің не нәрсе екенін білем мен.

Міне, үшеуінің алдында теңіз жатыр. Төменде шеті-киры жоқ қою қара теңіз жатыр. Жердің етегінде теңіздің толқындары күніреніп өлең айтысады. Жардың шынырау етегі қараңғы, сұық, корқыныш. Хан қызды сүйіп:

– Қош бол! – деді.

Әлхалла да:

– Қош бол! – деп иіліп қоштасты.

Қыз толқындар құңғреніп жатқан шынырауға қарады да, екі қолымен кеудесін қысып, кейін қарай шегініп құлап кете жаздағандай болды.

– Лактырындар мені, – деді қыз.

Әлхалла оған қолын созса да, тартынып қалды. Сонда қарт хан қызды құшағына алып, кеудесіне қатты қысып сүйіп, басынан жоғары көтерді де, қия жардан төменге тастап жіберді.

Төменде сылдырап, жырласып жатқан толқындардың шуынан екеуі де қыздың суға барып түскенін ести алмады. Ешбір үн жоқ. Еш нәрсе естілген жоқ. Хан тастардың үстіне етпетінен жатып, үндеңі төменге, шынырауға, қаранды түпсіз шынырауға қарады. Төменде теңіз бұлттармен араласып, теңізден толқындардың құңғренген шуы жүзіп жоғарыға шығып жатты. Есалан жел ханның ақ сақалымен ойнап, елбелендей өтіп жатты. Жатқан ханның жанында жүзін екі қолымен жауып, үндеңі, қозғалмай Толайық тұр еді. Уақыт озды. Қокте жел айдаған бұлттар біріне бірі тіркеліп, жүзіп оза берді. Теңіздің қия жарының үстінде жер бауырлап жатқан қарт ханның ойларындағы тұнерген қара бұлттар еді ол.

– Кетейік, ата, – деді Толайық.

– Тұра тұр... – деп бір нәрсені тындалап жатқан адамдай сыйырлады хан.

Тағы бірталай уақыт озды. Төменде толқындар күрілдеп, жел ағаштарды шуылдатып, қия жарға қарғып тұрды.

– Кетейік те, ата...

– Тұра тұр біраз...

Толайық Әлхалла:

– Кетейік, ата! – деп бір айтпады, әлденеше рет айтты. Хан қалған өмірінің қуанышын жоғалтқан жерден қозғалмады. Бірақ дүниеде бар нәрсенің бір соңы бар ғой. Хан да тұрды. Қайратты қайсар хан тұрып, құңғреніп:

— Кетейік пе?..— деді.

Екеуі кетіп бара жатыр еді. Хан бір мезгілде тоқтай қалды.

— Ө, мен неге кетіп барамын, қайда кетіп бара жатырмын, Толайық?— деп ұлынан сұрады хан.

— Енді маған өмір не керек. Мен қартпын. Мені енді ешкім сүймейді. Сені ешкім сүймесе, дүниеде тұруың бекер ғой.

— Сенің атағың, байлығың бар ғой, ата.

— Маған сол қыздың бір суюін бер де, менің байлығымды, атағымды – бәрін сен ал. Бұларың өлі зат, жалғыз тірі нәрсе – әйелдің махаббаты ғой. Мұндай махаббаты жоқ болса, ол адамның тірлігі де жоқ. Тіленші ол. Оның өмірі – аяныш өмір. Қош бол, ұлым! Өміріңнің түнінде де, күнінде де Алланың рақметі сенің басыңнан арылмасын...

Осы сөздерді атып, хан теңізге қарай бұрылды.

— Ата, — деді Толайық, — ата!..— Басқа ешбір сөз айтылмады. Тегінде, ажал бетіне қарап құліп тұрган адамға оның жанына, өмірге, тірлікке махаббат салғандай ешнәрсе айта алуға мүмкін емес қой.

— Жібер мені...

— Алла...

— Ол біледі...

Жардың шетіне хан жылдам басып келді де, шыңырауга құлап кетті. Ұлы ұстап қалмады. Үлгіре алмай қалды. Теңізден тағы еш нәрсе естілген жоқ. Не ханның суға барып тұскені, не бір үн жоқ. Жалғыз-ақ төменде толқындар шуылдан, жел гуілдеп, өздерінің тамаша, тағы әндеріне салып жатты. Толайық Әлхалла үндең төменге ұзақ қарап тұрып-тұрып, даусын шығарып:

— Маған да осындаид ер жүрек бере ғөр, әй, Алла!— деді.

Сонан соң сол қараңғы түнде сарайға қайтты...

Міне, Мұсәлайма Асбап осылай өлген соң, орнына Қырымда Толайық Әлхалла хан болған.